



官板

詩偶評

土岐文庫
文庫17
W132
|



文庫 17
W 132
1

杜詩偶評序
 杜詩無可選亦不藉評取杜詩而選之而評之凡
 以考一已所得之淺深而亦為學詩者道以從入
 之方也竊見往時讀杜諸家貪多者矜與博事必
 泛引語必摭摭甚或偽造典故以實其說而一二
 鉤奇喜新之士意主穿鑿辭務支離即尋常景物
 亦必牽涉諷刺附會忠孝而詩人之天趣亡焉又
 其甚者強題就法刻舟求劍一繩以後代制義之
 律而少陵之窮三才母萬象者遽變為兔園邨夫
 子矣嗟夫學詩者前望古人方無所憑藉忽得諸

杜詩偶評序

昭和六十年二月一日贈
土岐善廣氏寄

010185187182

家之說以橫踞於其中不有日讀杜詩而去杜日
遠者耶黃魯直云予於杜詩欲隨欣然會意處箋
以數語元裕之云讀杜詩當如九方臯相馬得天
機於滅沒存亡之間此真得杜之神解者也予少
喜杜詩而未能即通其義嘗虚心順理密詠恬吟
以求之不逞泛濫不蹈鑿空尤不敢束縛馳驟惟
於情境偶會傍通証入處隨手箋釋日月既久漸
次貫穿即未必果有得於魯直裕之之語如與少
陵揖讓晤言於千載之上然舛陋踳駁之弊差解
免焉以此自檢前之所窒後或漸通而吾黨之士

之問途者或不至航斷港絕潢以望至於大海也
矣全集一千四百餘篇今錄三百餘篇皆聚精會
神可續風雅者學者深潛而熟復之以次遍覽全
集雖頽然自放之作皆成大家知杜詩本無可選
并不藉評則此本爲得魚得兔之筌蹄可也同邑
潘子森予忘年友也素嗜杜與予同癖任劖劘
之資并爲發凡起例不欲使此本之湮沒也因牽
連及之若夫詩史之稱詩聖之目一飯不忘君心
事前人論之已詳不復稱述云

乾隆丁卯秋八月長洲沈德潛題於京師之澄懷

園

杜詩偶評凡例
 言五言詩者，其於大上，必以詩法與詩格
 杜詩包含廣大，隨人自領。李九我取一徑，野花落
 孤邨春水生，及渚蒲隨地有，邨徑逐門成等語，以
 王孟律杜陳繹曾取子規夜啼山竹裂，王母晝下
 雲旗翻等語，以李長吉律杜近日詩家專稱重碧
 拈春酒輕紅擘荔支，競將明媚色偷眼，豔陽天楚
 江巫峽半雲雨，清簟疎簾看奕棋等語，又引入溫
 飛卿一路去也。歸愚先生不專一體，取其與風雅
 騷人相表裏者，獨得少陵性情面目。
 讀杜詩者，取其格之高，辭之典，氣之昌，鋪陳排比

杜詩偶評凡例
 言五言詩者，其於大上，必以詩法與詩格
 杜詩包含廣大，隨人自領。李九我取一徑，野花落
 孤邨春水生，及渚蒲隨地有，邨徑逐門成等語，以
 王孟律杜陳繹曾取子規夜啼山竹裂，王母晝下
 雲旗翻等語，以李長吉律杜近日詩家專稱重碧
 拈春酒輕紅擘荔支，競將明媚色偷眼，豔陽天楚
 江巫峽半雲雨，清簟疎簾看奕棋等語，又引入溫
 飛卿一路去也。歸愚先生不專一體，取其與風雅
 騷人相表裏者，獨得少陵性情面目。
 讀杜詩者，取其格之高，辭之典，氣之昌，鋪陳排比

之倫敘而作詩之旨莫窺猶未嘗讀也欲知人論世當於許身稷契致君堯舜念松柏於邱山哭故交於旅櫬與夫悵弟妹之流離懷妻孥之阻絕一切興觀羣怨事父事君之處求之先生所選所評總之不失此意

夔州以後詩黃魯直盛稱朱子比之掃殘毫穎謂衆人見魯直說好也說好直是矮人看場蓋其生硬頽秃處不碍其爲大家然不善學者專於此中求杜恐失杜詩之真也選中五言古體夔州以後所收從略。七言近體夔州後尤工如秋興諸將

詠懷古跡等篇所云老去漸於詩律細也此又不可一例

五言長律起於六韻後漸次恢擴至少陵而滔滔百韻矣然句意不無重複兼有重韻雖少陵之才大如海不能成連城壁也選中所收皆二十韻以下者

絕句以龍標供奉爲絕調少陵以古體行之倔強直戇不受束縛固是獨出一頭然含意未申之旨漸以失矣先生特取遠神遠韻數章

詩貴不著圈點不加評釋然學詩者得之正如疎

通骨節洗刷眉目可從此悟入也本中圈點專取其精神團結處評釋專標其段落分明用意微遠及與史書印證處若句櫛字比有錢蒙叟朱愚庵張邇可仇滄柱諸公本在
杜詩辭句多兩見者全集每竝存於注一作某字一作某字茲從各本參考擇其善者從之不必岐學者心目也
字有一字幾音者恐混讀者多習焉不覺茲隨四聲圈出使讀者一覽了然
字有向來誤書及混書者如爛漫之誤爛漫案爛

漫見王文考魯靈光殿賦漫字徧考說文玉篇等書無此字也勦絕之勦從刀勦說之勦同鈔從力近人不復辨別矣類此者甚多已經一一校正去取評點皆先生斟酌茲特就平日與聞議論處申言之惟校定字音及訂正向時謬譌之字承松於此少相助焉

長洲潘承松森千氏識

此詩之妙在神韻
中言之雖殊安容喜又言五句而無意
去項晴照習夫主博酒茲詳於平日
近人不對鏡照其鏡中
言其山字也
對眼王大夫

杜詩偶評卷一 目錄

五言古詩七十九首

遊龍門奉先寺

望嶽

奉皇韋左丞丈二十二韻

同諸公登慈恩寺塔

示從孫濟

前出塞九首

送高三十五書記十五韻

奉同郭給事湯東靈湫作

後出塞五首

自京赴奉先縣詠懷五百字

述懷

塞盧子

送長孫九侍御赴武威判官

送樊二十三侍御赴漢中判官

送從弟亞赴河西判官

送韋十六評事充同谷郡防禦判官

彭衙行

北征

玉華宮

九成宮

羌邨三首

義鶻行

畫鶻行

贈衛八處士

新安吏

潼關吏

石壕吏

新婚別

垂老別

無家別

夏日歎

夏夜歎

留花門

西枝邨尋置草堂地夜宿贊公土室二首

佳人

夢李白二首

鐵堂峽

鹽井

寒硤

法鏡寺

青陽峽

石龕

鳳凰臺

萬丈潭

木皮嶺

桔柏渡

水會渡

飛仙閣

龍門閣

劍門

成都府

遭田父泥飲美嚴中丞

揚旗

通泉驛南去通泉縣十五里山水作

過郭代公故宅

山寺

太子張舍人遺織成褥段

草堂

四松
暇日小園散病將種秋菜督勤耕牛兼書觸

目

述古

送重表姪王珣評事使南海

望嶽

杜詩偶評卷一目錄



杜詩偶評卷一

長洲沈德潛稿士纂

後學潘承松森千校閱

五言古詩

遊龍門奉先寺

即伊闕一名龍門非禹貢河東之龍門也

已從招提遊。更宿招提境。陰壑生虛籟。月林散清影。天闕象緯逼。雲臥衣裳冷。欲覺聞晨鐘。令人發深省。

望嶽

岱宗夫如何。齊魯青未了。五。字。是。太。山。造化鍾神秀。陰陽割昏曉。分。也。盪胸生層雲。決眚入歸鳥。會當凌絕頂。一覽眾

山小。

奉呈韋左丞丈二十二韻

紉袴不餓死。儒冠多誤身。丈人試靜聽。賤子請具陳。
 甫昔少年日。早充觀國賓。非。公。不。足。當。此。語。讀書破萬卷。下筆如有神。二句。古人。賦料揚雄敵。詩看子建親。二句。時人。李邕求識面。王翰願卜鄰。按。公。年。譜。自謂頗挺出。立登要路津。致君堯舜上。再使風俗淳。此意竟蕭條。行歌非隱淪。騎驢三十載。旅食京華春。朝扣富兒門。暮隨肥馬塵。殘盃與冷炙。到處潛悲辛。天寶六載。詔天下有一藝者。詣殿。下。李。林。甫。命。尚。書。省。皆。下。之。公。乃。退。主上頃見徵。歛然欲求伸。青冥却垂翅。蹭蹬無縱鱗。甚愧丈人厚。甚知丈人真。每於



百僚上。猥誦佳句新。竊效貢公喜。難甘原憲貧。焉

能心怏怏。祇是走踈踈。今欲東入海。即將西去秦。

尚憐終南山。回首清渭濱。常擬報一飯。況懷辭大

臣。白鷗沒浩蕩。萬里誰能馴。

抱負如此。終遭阻抑。然其去也。無怨懟之辭。有遲遲我行之意。可謂溫柔敦厚矣。作詩須得此意。末見浩然一往。雖知已亦不能留。感知與潔身有竝行不悖者在也。

同諸公登慈恩寺塔

原注時高適薛據先有作

高標跨蒼穹。烈風無時休。自非曠士懷。登茲翻百

憂。方知象教力。足可追冥搜。仰穿龍蛇窟。始出枝

撐幽。七星在北戶。漢聲西流羲和鞭。白日少昊

行清秋。秦山忽破碎。涇渭不可求。俯視但一氣焉。
四句俯望
能辨皇州迴。首叫虞舜蒼梧雲。正愁惜哉。瑤池飲。
以。下。驚。鬱。碑。不。敢。明。言。故。托。隱。語。
日晏崑崙邱。黃鵠去不息。哀鳴何所投。君看隨陽
出。之。所。謂。百。愛。也。然。亦。不。必。逐。句。指。實。恐。轉。失。
雁。各有稻梁謀。

示從孫濟

平明跨驢出。未知適誰門。權門多噂沓。且復尋諸
孫。諸孫貧無事。客舍如荒邨。堂前自生竹。堂後自
生萱。萱草秋已死。竹枝霜不蕃。淘米少汲水。汲多
本。意。隨。事。比。興。全。得。古。樂。府。之。神。
井水渾。刈葵莫放手。放手傷葵根。阿翁懶惰久。覺
兒行步奔。所來為宗族。亦不為盤飧。小人利口實。

薄俗難具論。勿受外嫌猜。同姓古所敦。

前出塞九首

應是哥舒翰
征吐蕃時作

戚戚去故里。悠悠赴交河。公家有程期。亡命嬰禍
羅。君已富。土境開邊一何多。棄絕父母恩。吞聲行
負戈。
出門日已遠。不受徒旅欺。骨肉恩豈斷。男兒死無
時。走馬脫轡頭。手中挑青絲。捷下萬仞岡。俯身試
塞旗。

磨刀鳴咽水。水赤刃傷手。欲輕腸斷聲。心緒亂已
久。丈夫誓許國。憤惋復何有。功名圖麒麟。戰骨當

速朽。

送徒既有長。遠戍亦有身。生死向前去。不勞吏怒。嗔路逢相識人。附書與六親。哀哉兩決絕。不復同苦辛。

迢迢萬餘里。領我赴三軍。軍中異苦樂。主將寧盡聞。隔河見胡騎。倏忽數百羣。我始為奴僕。幾時樹

功勳。

四。語。即。寓。不。多。殺。傷。意。所。謂。節。制。之。師。也。
挽弓當挽強。用箭當用長。射人先射馬。擒賊先擒王。殺人亦無限。立國自有疆。苟能制侵陵。豈在多殺傷。

漢魏歌謠。諸本殺人亦有限。惟文待詔作殺人亦無限。以開合語出之。較有味。云云。古本皆然。從之。

驅馬天雨雪。軍行入高山。徑危抱寒石。指落層冰間。已去漢月遠。何時築城還。浮雲暮南征。可望不可攀。

前云不復同苦辛矣。此復遙望南鄉有不能決絕者存也。

單于寇我壘。百里風塵昏。雄劍四五動。彼軍為我奔。虜其名王歸。繫頸授轅門。有大樹。將軍意度。潛身備行列。一勝何足論。

從軍十年餘。能無分寸功。眾人貴苟得。欲語羞雷同。中原有鬪爭。況在狄與戎。丈夫四方志。安可辭

固窮。

不願苟得不辭固窮此儒將本領卒伍中有此人耶。合九章成章法杜詩中多此體

送高三十五書記十五韻

崆峒小麥熟且願休見此老胸中經緯王師請公問主將焉用窮荒
 為饑鷹未飽肉側翅隨人飛高生跨鞍馬有似幽
 并兒脫身簿尉中始與捶楚辭借問今何官詩中問答本觸熱
 向武威答云一書記所愧國士知人實不易知更
 須慎其儀十年出幕府自可持旌麾此行既特達
 足以慰所思男兒功名遂亦在老大時常恨結歡
 淺各在天一涯又如參與商慘慘中腸悲驚風吹

鴻鵠不得相追隨黃塵翳沙漠念子何當歸邊誠
 有餘力早寄從軍詩

奉同郭給事湯東靈湫作

東山氣濛鴻宮殿居上頭君來必十月樹羽臨九
 州陰火煮玉泉噴薄漲巖幽有時浴赤日光抱空
 中樓閣風入轍跡曠原延冥搜沸天萬乘動觀水
 百丈湫幽靈斯可怪王命官屬休初聞龍用壯擘
 石摧林邱中夜窟宅改移因風雨秋倒懸瑤池影
 屈注滄江流味如甘露漿揮弄滑且柔翠旗澹偃
 蹇雲車紛少留簫鼓蕩四溟異香泱泱浮鮫人獻

微綃曾祝沉豪牛百祥奔盛明古先莫能儔坡陀
曾同層猶重也
 金蝦蟆出見蓋有由至尊顧之笑王母不肯收復
難顯言者以隱語出之詩人之體也
 歸虛無底化作長黃虬飄飄青瑣郎文彩珊瑚鉤
然禍不可測
 浩歌淶水曲清絕聽者愁
意點

後出塞五首

應是祿山構禍
奚契丹時作

男兒生世間及壯當封侯戰伐有功業焉能守舊
 邱召募赴薊門軍動不可留千金買馬鞍百金裝
 刀頭閭里送我行親戚擁道周斑白居易上列酒酣
 進庶羞少年別有贈含笑看吳鉤
 朝進東門營暮上河陽橋落日照大旗馬鳴風蕭

蕭平沙列萬幕部伍各見招中天懸明月令嚴夜
 寂寥悲笳數聲動壯士慘不驕借問大將誰恐是
 霍嫖姚

寫軍容之盛軍令之嚴如
于將其耶出匣寒光相向

古人重守邊今人重高勳豈知英雄主出師亘長
 雲六合已一家四夷且孤軍遂使貔虎士奮身勇
 所聞拔劍擊大荒日收胡馬羣誓開玄冥北持以
 奉吾君

獻凱日繼踵兩蕃靜無虞漁陽豪俠地擊鼓吹笙
 竽雲帆轉遼海稷稻來東吳越羅與楚練照耀輿

吳與契丹為兩蕃

悲憤

臺。軀。主將位益崇。氣驕凌上都。邊人不敢議議者。隱有欲叛之勢。
死路衢。

我本良家子。出師亦多門。將驕益愁思。身貴不足
論。躍馬二十年。恐孤明主恩。坐見幽州騎。長驅河
洛昏。中夜間道歸。故里但空邨。惡名幸脫免。窮老
無兒孫。

人人皆欲趨賞立功而一人獨求脫惡名願立節不願從叛逆也未章
特表而出之。俗作恐辜明主恩非孤恩無辜恩如陵雖孤恩可証也

自京赴奉先縣詠懷五百字

天寶十四載冬十月
上幸華清宮十一月

祿山反詩應
作於將反時

杜陵有布衣。老大意轉拙。許身一何愚。竊比稷與

契。居然成濩落。白首甘契濶。蓋棺事則已。此志常

覲。豁窮年憂黎元。歎息腸內熱。取笑同學翁。浩歌

彌激烈。非無江海志。蕭灑送日月。生逢堯舜君。不

忍便永訣。當今廊廟具。構厦豈云缺。葵藿傾太陽。

物性固莫奪。顧惟螻蟻輩。但自求其穴。胡為慕大

鯨。輒擬偃溟渤。以茲悟生理。獨恥事干謁。兀兀遂

至今。忍為塵埃沒。終愧巢與由。未能易其節。沉飲

聊自遣。放歌破愁絕。歲暮百草零。疾風高岡裂。天

衢陰崢嶸。客子中夜發。霜嚴衣帶斷。指直不得結。

凌晨過驪山。御榻在嚳嶮。蚩尤塞寒空。蹴踏崖谷

盤內戚之滑瑤池氣鬱律羽林相摩戛君臣留歡娛樂動殷

隱憂膠葛賜浴皆長纓與宴非短褐彤庭所分帛本自

寒女出鞭撻其夫家聚斂貢城關聖人筐篚恩實

欲邦國活臣如忽至理君豈棄此物多士盈朝廷

仁者宜戰慄況聞內金盤盡在衛霍室中堂有神

仙煙霧蒙玉質煖客貂鼠裘悲管逐清瑟勸客駝

蹄羹霜橙壓香橘朱門酒肉臭路有凍死骨榮枯

咫尺異惆悵難再述北轅就涇渭官渡又改轍羣

冰從西下極目高崒兀疑是崆峒來恐觸天柱折

河梁幸未坼枝撐聲窸窣行李相攀援川廣不可

盤內戚之

從行路所經傳出胸中鬱結言外

隱憂

物多士盈朝廷

牧之云雨露備金穴

乾坤入醉御車勢至此雖欲不亂不可得也

落至奉先

涇渭之水從隴西而下

故疑來自崆峒也

越老妻寄異縣十口隔風雪誰能久不顧庶往共

饑渴入門聞號咷幼子饑已卒吾寧捨一哀里巷

亦嗚咽所愧為人父無食致夭折豈知秋禾登貧

窶有倉卒生常免租稅名不隸征伐撫跡猶酸辛

平人固騷屑默思失業徒因念遠戍卒憂端齊終

南瀕洞不可掇

前敘抱負次述道途所經未述到家情事身際困窮心憂天下自是希

援契人語也中間敘事夾議論以行此種詩深得變雅之體此篇及

畫分段落

述懷

去年潼關破妻子隔絕久今夏草木長脫身得西

走麻鞋見天子。衣袖露兩肘。朝廷慙生還。親故傷
老醜。涕淚受拾遺。流離主恩厚。柴門雖得去。未忍
即開口。寄書問三川。不知家在否。比聞同罹禍。殺
戮到雞狗。山中漏茅屋。誰復依戶牖。摧頽蒼松根。
地冷骨未朽。幾人全性命。盡室豈相偶。嶽峯猛虎
場。鬱結迴我首。自寄一封書。今已十月後。反畏消
息來。寸心亦何有。漢運初中興。生平老耽酒。沉思
歡會處。恐作窮獨叟。

反畏消息來二語妙在反接若云不見消息來意淺薄矣作詩須如此用筆。陸德明釋左傳序中興丁仲反音衆理當興也前人俱作衆音

塞蘆子 屯兵以塞此關也

五城何迢迢。迢迢隔河水。邊兵盡東征。城內空荆
杞。史思明割懷衛。秀巖西未已。迴略大荒來。峭崿蓋
虛爾。延州秦北戶。關防猶可倚。焉得一萬人。疾驅
塞蘆子。岐有薛大夫。傍制山賊起。近聞昆戎徒。爲
退三百里。蘆關扼兩寇。深意實在此。誰能叫帝閭。
胡行速如鬼。

結意見宜急爲制防否則如鬼之速西來恐不及禦也

送長孫九侍御赴武威判官

驄馬新鑿蹄。銀鞍被來好。繡衣黃白郎。騎向交河
道。問君適萬里。取別何草草。天子憂涼州。嚴程到

須早去秋羣胡反不得無電掃此行牧遺甿風俗
方再造族父領元戎杜漸名聲國中老奪我同官良飄
颻按城堡使我不能餐令我惡懷抱若人才思濶
溟漲浸絕島樽前失詩流塞上得國寶接皇天悲送
遠雲雨別有浩浩東郊尚烽火朝野色枯槁西極柱
亦傾如何正穹昊

送樊二十三侍御赴漢中判官

威比體言不能早制防也弧不能弦自爾無寧歲川谷血橫流豺狼沸相
噬天子從北來長驅振凋敝頓兵岐梁下却跨沙
漠裔二京陷未收四極我得制蕭索漢水清緬通

淮河稅使者紛星散王綱尚旒綴漢中士南伯從事賢君
行立談際坐知七曜歷手畫三軍勢冰雪淨聰明
雷霆走精銳幕府綴諫官朝廷無此例諫官作判見彼例至尊方旰
食仗爾布嘉惠補闕暮徵入柱史晨征憩正當艱
難時實藉長久計迴風吹獨樹白日照執袂慟哭
蒼煙根山門萬重閉居人莽牢落遊子方迢遞謂樊徘徊
悲生離局促老一世陶唐歌遺民後漢更列帝
我無匡復資聊欲從此逝

送從弟亞赴河西判官

南風起勢奇傑作秋聲殺氣薄炎熾盛夏鷹隼擊時危異人

至令弟草中來。蒼然請論事。詔書引上殿。奮舌動
天意。兵法五十家。爾腹為篋笥。應對如轉丸。疎通
略文字。經綸皆新語。足以正神器。宗廟尚為灰。君
臣俱下淚。崆峒地無軸。青海天軒輕。西極最瘡痍。
連山暗烽燧。帝曰大布衣。藉卿佐元帥。坐看清流
沙。所以子奉使。歸當再前席。適遠非歷試。須存武
威郡。為畫長久利。孤峰石戴驛。快馬金纏轡。黃羊
飫不羶。蘆酒多還醉。踴躍常人情。慘澹苦士志。安
邊敵何有。反正計始遂。吾聞駕鼓車。不合用騏驥。
龍吟迴其頭。夾輔待所致。

送韋十六評事充同谷郡防禦判官

昔沒賊中時。潛與子同遊。今歸行在所。王事有去
留。逼側兵馬間。主憂急良籌。子雖軀幹小。老氣橫
九州。挺身艱難際。張目視寇讐。朝廷壯其節。奉詔
令參謀。鑿輿駐鳳翔。同谷為咽喉。西扼弱水道。南
鎮枹罕陬。此邦承平日。剽劫吏所羞。況乃胡未滅。
控帶莽悠悠。府中韋使君。道足示懷柔。令姪才俊
茂。二美又何求。受詞太白脚。走馬仇池頭。古色沙
土裂。積陰雪雲稠。羌父豪猪靴。羌兒青兕裘。吹角
向月窟。蒼山旌旆愁。鳥驚出死樹。龍怒拔老湫。古

來無人境。今代橫戈矛。傷哉文儒士。憤激馳林邱。
中原正格鬪。後會何緣由。百年賦命定。豈料沉與
浮。且復戀良友。握手步道周。論兵遠壑靜。亦可縱
冥搜。題詩得秀句。札翰時相投。

彭衙行

通音。追敘。故用憶昔二字領起。
憶昔避賊初。北走經險艱。夜深彭衙道。月照白水
山。盡室久徒步。逢人多厚顏。參差谷鳥吟。不見遊
子還。癡女饑齧我。啼畏虎狼聞。懷中掩其口。反側
聲愈嗔。小兒強解事。故索苦李餐。一旬半雷雨。泥
濘相牽攀。既無禦雨備。徑滑衣又寒。有時經契濶。

竟日數里間。野果充糗糧。卑枝成屋椽。早行石上
水。暮宿天邊煙。少留同家窪。欲出蘆子關。故人有
孫宰。高義薄曾雲。延客已曛黑。張燈啓重門。煖湯
濯我足。剪紙招我魂。從此出妻孥。相視涕闌干。衆
雛爛漫睡。喚起沾盤飧。誓將與夫子。永結為弟昆。
遂空所坐堂。安居奉我歡。誰肯艱難際。豁達露心
肝。未四句收。出本意。別來歲月周。胡羯仍構患。何當有翅翎。飛去墮
爾前。

北征

公家鄜州在鳳翔東北故
云北征。時諫房琯事後
起。老氣無敵。

皇帝二載秋。閏八月初吉。杜子將北征。蒼茫問家

室維時遭艱虞。朝野少暇日。顧慙恩私被。詔許歸蓬華。拜辭詣闕下。怵惕久未出。雖乏諫諍姿。恐君有遺失。君誠中興主。經緯固密勿。東胡反未已。臣甫憤所切。揮涕戀行在。此敬起身道途猶恍惚。乾坤含瘡痍。憂虞何時畢。靡靡踰阡陌。人煙眇蕭瑟。所遇多被傷。呻吟更流血。迴首鳳翔縣。旌旗晚明滅。前登寒山重。屢得飲馬窟。一段敘途中所經郊入地底涇。水中蕩潏猛。虎立我前。蒼崖吼時裂。菊垂今秋花。石戴古車轍。青雲動高興。幽事亦可悅。山果多瑣細。羅生雜橡栗。或紅如丹砂。或黑如點漆。雨露之所濡。甘苦齊結

實。緬思桃源內。益歎身世拙。坡陀望鄜時。巖谷互出沒。我行已水濱。我僕猶木末。鴟鳥鳴黃桑。野鼠拱亂穴。夜深經戰場。寒月照白骨。潼關百萬師。往者散何卒。遂令半秦民。殘害為異物。況我墮胡塵。到家及歸盡華髮。經年至茅屋。妻子衣百結。慟哭松聲迴。悲泉共幽咽。平生所嬌兒。顏色白勝雪。見耶背面啼。垢膩脚不襪。牀前兩小女。補綻才過膝。海圖拆波濤。舊繡移曲折。天吳及紫鳳。顛倒在短褐。老夫情懷惡。歐泄臥數日。那無囊中帛。救汝寒凜慄。粉黛亦解苞。衾裯稍羅列。瘦妻面復光。癡女頭自

櫛薪悟出學母無不為。曉妝隨手抹。移時施朱鉛。狼籍畫
 眉濶。生還對童稚。似欲忘饑渴。問事競挽鬚。誰能
 即嗔喝。翻思在賊愁。甘受雜亂聒。新歸且慰意。生
 理焉得說。到家後悲喜交集詞尚未了忽至尊尚蒙塵。幾日休練卒。仰觀天色改。
 坐覺妖氛豁。陰風西北來。慘澹隨回鶻。其王願助
 順。其俗善馳突。送兵五千人。驅馬一萬匹。此輩少
 為貴。四方服勇決。所用皆鷹騰。破敵過箭疾。聖心
 頗虛佇。時議氣欲奪。伊洛指掌收。西京不足拔。官
 軍請深入。蓄銳伺俱發。此舉開青徐。旋瞻略恒碣。
 昊天積霜露。正氣有肅殺。禍轉亡胡歲。勢成擒胡

月。胡命其能久。皇綱未宜絕。憶昨狼狽初。事與古
 先別。姦臣竟菹醢。同惡隨蕩析。立言得體歸美不聞夏殷衰。中自
 誅褒姒。周漢獲再興。宣光果明哲。桓桓陳將軍。仗
 鉞奮忠烈。微爾人盡非。於今國猶活。淒涼大同殿。
 寂寞白獸闈。都人望翠華。佳氣向金闕。園陵固有
 神。灑掃數不缺。煌煌太宗業。樹立甚宏達。
 短篇突然而起。悠然而止。不必另綴起結。長篇必鋪敘。有倫起結。整齊
 方為合格。讀杜詩須從此等大篇著意。漢魏以來未有此格。少陵特
 為開出公之忠愛謀略具見。詩史詩聖應以此等目之。

玉華宮貞觀時建

故宮淒涼之況。後廢為寺。故云不知何王殿遺構絕壁。

下陰房鬼火青。壞道哀湍瀉。萬籟真笙竽。秋色正
且亦為本朝諱也
蕭灑。美人為黃土。況乃粉黛假。當時侍金輿。故物
獨石馬。憂來藉草坐。浩歌淚盈把。冉冉征途間。誰
是長年者。

九成宮

本隋仁壽宮太宗脩之以避暑因更名

蒼山入百里。崖斷如杵臼。曾宮憑風迴。岌業土囊
口。立神扶棟梁。鑿翠開戶牖。其陽產靈芝。其陰宿
牛斗。紛披長松倒。揭嶭怪石走。哀猿啼一聲。客淚
迸林藪。荒哉隋家帝。製此今頽朽。向使國不亡焉
意為巨。唐有。雖無新增脩。尚置官居守。巡非瑤水遠。

跡是雕牆後。我行屬時危。仰望嗟歎久。天王守太
太白白。駐馬更搔首。

羌邨三首

崢嶸赤雲西。日脚下平地。柴門鳥雀噪。歸客千里
至。妻孥怪我在。驚定還拭淚。世亂遭飄蕩。生還偶
然遂。鄰人滿牆頭。感歎亦歔歔。夜闌更秉燭。相對
高絕如夢寐。

晚歲迫偷生。還家少歡趣。嬌兒不離膝。畏我復却
去。與昔我往矣楊柳依依四語相同憶昔好追涼。故繞池邊樹。蕭蕭北風勁。撫事煎
百慮。賴知禾黍收。已覺糟牀注。如今足斟酌。且用

慰遲暮。

邨。落。景。

羣雞正亂叫。客至雞鬪爭。驅雞上樹木。始聞叩柴

荆。父老四五人。問我久遠行。存問也。手中各有攜。傾榼濁

復清。荒。亂。之。苦。從。父。老。口。中。傳。出。苦辭酒味薄。黍地無人耕。兵革既未息。兒童

盡東征。請為父老歌。艱難愧深情。歌罷仰天歎。四

座淚縱橫。

三章字字從肺腑鏤出。又似人人所能道者。變風之義。歟。漢京之音。歟。

義鵲行

陰崖二蒼鷹。養子黑柏顛。白蛇登其巢。吞噬恣朝
餐。雄飛遠求食。雌者鳴辛酸。力强不可制。黃口無

半存。其父從西歸。翻身入長煙。斯須領健鵲。痛憤

寄所宣。斗上捩孤影。嗷嗷來九天。脩鱗脫遠枝。巨

顛折老拳。高空得蹭蹬。短草辭蜿蜒。折尾能一掉。

飽腸皆已穿。生雖滅衆雛。死亦垂千年。物情有報

復。快意貴目前。茲實鷲鳥最。急難心炯然。功成失

所往。用舍何其賢。近經滴水涓。此事樵夫傳。飄蕭

覺素髮。凜欲衝儒冠。人生許與分。只在顧盼間。聊

為義鵲行。用激壯士肝。

畫鵲行

高堂見生鵲。颯爽動秋骨。初驚無拘攣。何得立突

兀乃知畫師妙。巧刮造化窟。寫此神俊姿。充君眼中物。烏鵲滿膠枝。軒然恐其出。側腦看青霄。寧為眾禽沒。長翮如刀劍。人寰可超越。乾坤空崢嶸。粉墨且蕭瑟。緬思雲沙際。自有煙霧質。吾今意何傷。顧步獨紆鬱。

贈衛八處士

人生不相見。動如參與商。驚喜之句今夕復何夕。共此燈燭光。少壯能幾時。鬢髮各已蒼。訪舊半為鬼。驚呼熱中腸。焉知二十載。重上君子堂。昔別君未婚。男女忽成行。怡然敬父執。問我來何方。問答未及已。驅

兒羅酒漿。夜雨剪春韭。新炊間黃粱。主稱會面難。一舉累十觴。十觴亦不醉。感子故意長。明日隔山嶽。世事兩茫茫。

新安吏

以下六詩皆言相州師潰後事
客行新安道。喧呼聞點兵。借問新安吏。縣小更無丁。唐制。一縣以上為中男。二丁。府帖昨夜下。次選中男。行中男絕短小。何以守王城。肥男有母送。瘦男獨伶俜。白水暮東流。青山猶哭聲。莫自使眼枯。收汝淚縱橫。眼枯却見骨。天地終無情。我軍取相州。日夕望其平。豈意賊難料。歸軍星散營。就糧近故壘。練卒依舊京。掘壕不到

水牧馬役亦輕况乃王師順撫養甚分明送行勿泣血僕射如父兄

此指郭子儀
諸詠身所見聞事運以古樂府神理驚心動魄疑鬼疑神千古誰能措手

潼關吏

此相州敗後築潼關以備寇也

士卒何草草築城潼關道大城鐵不如小城萬丈餘借問潼關吏脩關還備胡要我下馬行為我指山隅連雲列戰格飛鳥不能踰胡來但自守豈復憂西都丈人視要處窄狹容單車艱難奮長戟萬古用一夫哀哉桃林戰百萬化為魚請囑防關將慎勿學哥舒

石壕吏

暮投石壕邨有吏夜捉人老翁踰牆走老婦出門看吏呼一何怒婦啼一何苦聽婦前致詞三男鄴城戍一男附書至二男新戰死存者且偷生死者長已矣室中更無人惟有乳下孫有孫母未去出入無完裙老嫗力雖衰請從吏夜歸急應河陽役猶得備晨炊夜久語聲絕如聞泣幽咽天明登前途獨與老翁別

古者有兄弟始遣一人從軍今盡役壯丁及於老幼婦女民不堪命矣

新婚別

起結皆興樂府體也

兔絲附蓬麻引蔓故不長。嫁女與征夫不如棄路
傍。結髮為君妻。席不煖君牀。暮婚晨告別。無乃太
匆忙。君行雖不遠。守邊赴河陽。妾身未分明。何以
拜姑嫜。父母養我時。日夜令我藏。生女有所歸。雞
狗亦得將。君今往死地。沉痛迫中腸。誓欲隨君去。
形勢反蒼黃。勿為新婚念。努力事戎行。婦人在軍
中。兵氣恐不揚。自嗟貧家女。久致羅襦裳。羅襦不
復施。對君洗紅妝。仰視百鳥飛。大小必雙翔。人事
多錯迕。與君永相望。

與東山零雨之詩並讀時之盛衰可知矣。君今往死地以下層層轉換皆發乎情止乎禮義之語真得國風之旨所謂言奪蘇李氣吞曹劉

者詢非虛美

垂老別

四郊未寧靜。垂老不得安。子孫陣亡盡。焉用身獨
完。投杖出門去。同行為辛酸。幸有牙齒存。所悲骨
髓乾。男兒既介胄。長揖別上官。老妻臥路啼。歲暮
衣裳單。孰知是死別。且復傷其寒。此去必不歸。還
聞勸加餐。土門壁甚堅。杏園度亦難。勢異鄴城下。
縱死時猶寬。人生有離合。豈擇衰盛端。憶昔少壯
日。遲迴竟長歎。萬國盡征戍。烽火被岡巒。積屍草
木腥。流血川原丹。何鄉為樂土。安敢尚盤桓。棄絕

士詩馮平卷一

乾

蓬室居塌然摧肺肝

有敵。徂。勤。主。意。
魏公子救趙令獨子無兄弟者歸養今
子孫亡盡垂老從戎世事亦可傷已

無家別

寂寞天寶後園廬但蒿藜我里百餘家世亂各東
西存者無消息死者為塵泥賤子因陣敗歸來尋
舊蹊久行見空巷日瘦氣慘悽但對狐與狸豎毛
怒我啼四鄰何所有一二老寡妻宿鳥戀本枝安
辭且窮棲方春獨荷鋤日暮還灌畦縣吏知我至
召令習鼓鼙雖從本州役內顧無所攜近行止一
身遠去終轉迷家鄉既盪盡遠近理亦齊永痛長

病母五年委溝谿上。章。以。忠。結。此。章。以。孝。結。生我不得力終身兩酸嘶人生
無家別何以為蒸黎可。以。續。三。百。篇。矣。

夏日歎

夏日出東北陵天經中街朱光徹厚地鬱蒸何由
開上蒼久無雷無乃號令乖雨降不濡物良田起
黃埃飛鳥苦熱死池魚涸其泥萬人尚流冗舉目
惟蒿萊至今大河北化作虎與豺浩蕩想幽薊王
師安在哉對食不能餐我心殊未諧眇然貞觀初
難與數子偕

夏夜歎

永日不可暮。炎蒸毒我腸。安得萬里風。飄飄吹我裳。
昊天出華月。茂林延疎光。仲夏苦夜短。開軒納微涼。
虛明見纖毫。羽蟲亦飛揚。物情無巨細。自適固其常。
念彼荷戈士。窮年守邊疆。何由一洗濯。執熱互相望。
此意。竟夕擊刁斗。喧聲連萬方。青紫雖被體。不如早還鄉。
北城悲笳發。鶴鶴號且翔。況復煩促倦。激烈思時康。

留花門

花門堡在回紇地方。時回紇留兵沙苑。故以留花門為題。

花門天驕子。飽肉氣勇決。高秋馬肥健。挾矢射漢月。
自古以為患。詩人厭薄伐。脩德使其來。羈縻固

不絕。胡為傾國至。出入暗金闕。中原有驅除。隱忍用此物。
公主歌黃鵠。君王指白日。連雲屯左輔。百里見積雪。
長戟鳥休飛。哀笳曙幽咽。田家最恐懼。麥倒桑枝折。
沙苑臨清渭。泉香草豐潔。渡河不用船。千騎常撒烈。
胡塵踰太行。雜種抵京室。花門既須留。原野轉蕭瑟。

西枝邨尋置草堂地夜宿贊公土室二首

出郭眄細岑。披榛得微路。溪行一流水。曲折方屢渡。
贊公湯休徒。好靜心跡素。昨枉霞上作。盛論巖中趣。
怡然共攜手。恣意同遠步。捫蘿澀先登。陟巘

眩反顧。要求陽岡煖。苦涉陰嶺沍。惆悵老大藤。沉吟屈蟠樹。卜居意未展。杖策迴且暮。層巔餘落日。草蔓已多露。

天寒鳥已歸。月出山更靜。土室延白光。松門耿疎影。躋攀倦日短。語樂寄夜永。明然林中薪。暗汲石底井。大師京國舊。德業天機秉。從來支許遊。興趣江湖迴。數奇謫關塞。道廣存箕穎。何知戎馬間。復接塵事屏。幽尋豈一路。遠色有諸嶺。晨光稍朦朧。更越西南頂。

前首西枝邨尋置草堂地後首夜宿贊公上室此分章體也

佳人

絕代有佳人。幽居在空谷。自云良家子。零落依草木。關中昔喪亂。兄弟遭殺戮。官高何足論。不得收骨肉。世情惡衰歇。萬事隨轉燭。夫婿輕薄兒。新人美如玉。合昏尚知時。鴛鴦不獨宿。但見新人笑。那聞舊人哭。在山泉水清。出山泉水濁。侍婢賣珠迴。牽蘿補茅屋。摘花不插髮。採柏動盈掬。天寒翠袖薄。日暮倚脩竹。

夢李白二首

此白長流夜郎後事

死別已吞聲。生別常惻惻。江南瘴癘地。逐客無消

息故人入我夢。明我長相憶。恐非平生魂。路遠不可測。點綴楚詞恍恍惚惚使讀者惘然如夢魂來楓林青。魂返關塞黑。君今在羅網。何以有羽翼。落月滿屋梁。猶疑照顏色。水深波浪濶。無使蛟龍得。

浮雲終日行。遊子久不至。三夜頻夢君。明我長情親見君意。相憶情親見君意此兩人精神感通處告歸常局促。苦道來不易。江湖多風波。舟楫恐失隊。出門搔白首。苦負平生志。冠蓋滿京華。斯人獨顛顛。孰云網恢恢。將老身反累。千秋萬歲名。寂寞身後事。

鐵堂峽

一路自秦州赴同谷縣紀行

山風吹遊子。縹緲乘險絕。硤形藏堂隍。壁色立積鐵。徑摩穹蒼蟠。石與厚地裂。脩纖無垠竹。嵌空太古雪。威遲哀壑底。徒旅慘不悅。水寒長冰橫。我馬骨正折。生涯抵孤矢。盜賊殊未滅。飄蓬踰三年。迴首肝肺熱。

鹽井

蜀都賦家有鹽泉之井

鹵中草木白。青者官鹽煙。官作既有程。煮鹽煙在川。汲井歲搨搨。出車日連連。自公斗三百。轉致斛六千。君子慎止足。小人苦喧闐。我何良歎嗟。物理固自然。

寒硤

行邁日悄悄。山谷勢多端。雲門轉絕岸。積阻霾天
寒。寒硤不可度。我實衣裳單。況當仲冬交。沂浴增
波瀾。野人尋煙語。行子傍水餐。此生免荷戈。未敢
辭路難。

法鏡寺

身危適他州。勉強終勞苦。神傷山行深。愁破崖寺
古。嬋娟碧蘚淨。蕭滅寒籜聚。回回石根水。冉冉松
上雨。洩雲蒙清晨。初日翳復吐。朱薨半光炯。戶牖
粲可數。拄策忘前期。出蘿已亭午。冥冥子規叫。微

徑不敢取。

青陽峽

塞外苦厭山。南行道彌惡。岡巒相經亘。雲水氣參
錯。林迴硤角來。天窄壁面削。磎西五里石。奮怒向
我落。仰看日車側。俯恐坤軸弱。魑魅嘯有風。霜霰
浩漠漠。憶昨踰隴坂。高秋視吳嶽。東笑蓮華卑。北
知崆峒薄。超然侔壯觀。已謂殷寥廓。突兀猶趁人。
及茲歎冥漠。

石龕

起勢突得妙。若移在中間。只鋪排常語。
熊羆咆我東。虎豹號我西。我後鬼長嘯。我前狻又

啼天寒昏無日。山遠道路迷。驅車石龕下。仲冬見時也虹霓。伐竹者誰子。悲歌上雲梯。為官採美箭。五歲供梁齊。苦云直簀盡。無以充提攜。奈何漁陽騎。颯颯驚蒸藜。

鳳凰臺 臺在同谷東南十里

亭亭鳳凰臺。北對西康州。西伯今寂寞。鳳聲亦悠悠。山峻路絕蹤。石林氣高浮。安得萬丈梯。為君上上頭。恐有無母雛。饑寒日啾啾。我能剖心血。飲啄慰孤愁。心以當竹實。炯然無外求。血以當醴泉。豈徒比清流。所重王者瑞。敢辭微命休。坐看綵翮長。

舉意公極周。自天銜瑞圖。飛下十二樓。圖以奉至尊。鳳以垂鴻猷。再光中興業。一洗蒼生憂。深衷正為此。羣盜何淹留。

無母兒指廣平王做時王母吳氏生子而亡也肅宗聽張良娣言已去建寧王倓矣又欲動搖廣平賴李泌言之得免詩意與泌同一指也

萬丈潭

青溪含冥冥。神物有顯晦。龍依積水蟠。窟厖萬丈內。跼步凌垠堦。側身下煙靄。前臨洪濤寬。却立蒼石大。山危一徑盡。崖絕兩壁對。削成根虛無。倒影垂澹澗。黑知灣深底。清見光炯碎。孤雲倒來深。飛鳥不在外。高蘿成帷幄。寒木疊旌旆。遠川曲通流。

嵌竇潛洩瀨造幽無人境五發興自我輩仄告歸遺恨多將老斯遊最閉藏脩鱗蟄出入五巨石礙何當暑天過快意風雨會

木皮嶺一路自隴右赴成都紀行

首路栗亭西尚想鳳凰邨季冬攜童稚辛苦赴蜀門南登木皮嶺艱險不易論汗流被我體祈寒為之暄遠岫爭輔佐千巖自崩奔始知五嶽外別有他山尊仰干塞大明俯入裂厚坤孟東野所云南山塞天日月如生再聞虎豹鬪屢躡風水昏高有廢閣道摧折如短轆下有冬青林石上走長根西崖特秀發煥若靈芝繁潤聚金碧

氣清無沙土痕憶觀崑崙圖目擊玄圃存對此欲何適默傷垂老魂

桔柏渡

青冥寒江渡架竹為長橋竿濕煙漠漠江永風蕭蕭連策動嫋娜征衣颯飄颻急流鵠鷁散絕岸鼉鼉驕西轅自茲異東逝不可要高通荆門路濶會滄海潮孤光隱顧盼遊子悵寂寥無以洗心胸前登但山椒

水會渡

山行有常程中夜尚未安微月没已久崖傾路何

難大江動我前洶若溟渤寬。篙師暗理楫歌笑輕。
波瀾霜濃木石滑。風急手足寒。入舟已千憂。陟巘
仍萬盤。迴眺積水外。始知衆星乾。遠遊令人瘦。衰
疾慙加餐。

飛仙閣即棧道

土門山行窄。微徑緣秋毫。棧雲闌干峻。梯石結構
牢。萬壑欹疎林。積陰帶奔濤。寒日外澹泊。長風中
怒號。歇鞍在地底。始覺所歷高。往來雜坐臥。人馬
同疲勞。浮生有定分。饑飽豈可逃。歎息謂妻子。我
何隨汝曹。

龍門閣

清江下龍門。絕壁無尺土。長風駕高浪。浩浩自太古。
危途中縈盤。仰望垂線縷。滑石欹誰鑿。浮梁裊
相拄。目眩隕雜花。頭風吹過雨。百年不敢料。一墜
那得取。飽聞經瞿唐。足見度大庾。終身歷艱險。恐
懼從此數。

劍門

惟天有設險。劍門天下壯。連山抱西南。石角皆北
向。兩崖崇墉倚。刻畫城郭狀。一夫怒臨關。百萬未
可傍。珠玉走中原。岷峨氣悽愴。三皇五帝前。雞犬

各相放後。王尚柔遠職貢道已喪。至今英雄人高視見霸王。并吞與割據極力不相讓。吾將罪真宰。意欲鏟疊嶂。恐此復偶然。臨風默惆悵。

成都府

翳翳桑榆日。照我征衣裳。我行山川異。忽在天一方。但逢新人民。未卜見故鄉。大江東流去。遊子日。月長。曾城填華屋。季冬樹木蒼。喧然名都會。吹簫間笙簧。信美無與適。側身望川梁。鳥雀夜各歸。中原杳茫茫。初月出不高。眾星尚爭光。自古有羈旅。我何苦哀傷。

自秦州至成都諸詩與險清削雄奇荒幻無所不備山川詩老兩相觸發宜其有境必搜也鬼斧神斤至於此極

天遭田父泥飲美嚴中丞

武為京兆少尹兼御史中丞故篇中屢稱尹

步屣隨春風。邛邛自花柳。田翁逼社日。邀我嘗春酒。酒酣誇新尹。畜眼未見有。迴頭指大男。渠是弓弩手。名在飛騎籍。長番歲時久。前日放營農。辛苦救衰朽。差科死則已。誓不舉家走。今年大作社。拾遺能住否。叫婦開大瓶。盆中為我取。感此氣揚揚。須知風化首。語多雖雜亂。說尹終在口。朝來偶然出。自卯將及酉。久客惜人情。如何拒鄰叟。高聲索果栗。欲起時被肘。指揮過無禮。未覺邛野醜。月出

遮我留。仍嗔問升斗。

傳出豐厚邨朴景象而中丞之美自見若專美中丞便是後人酬應之作

揚旗

原注嚴公置酒公堂觀騎士試新旗幟

江風颯長夏。府中有餘清。我公會賓客。肅肅有異聲。初筵閱軍裝。羅列照廣庭。庭空六馬入。駮駮揚旗旌。迴迴偃飛蓋。熠熠迸流星。來衝風颯急。去擘山嶽傾。材歸俯身盡。妙取略地平。虹霓就掌握。舒卷隨人輕。三州陷犬戎。但見西嶺青。公來練猛士。欲奪天邊城。此堂不易升。庸蜀日已寧。吾徒且加餐。休適蠻與荆。

形容數語與觀舞劍器篇相似

通泉驛南去通泉縣十五里山水作

溪行衣自濕。亭午氣始散。冬温蚊蚋在。人遠鳧鴨亂。登頓生層陰。欹傾出高岸。驛樓衰柳側。縣郭輕煙畔。一川何綺麗。盡日窮壯觀。山色遠寂寞。江光夕滋漫。傷時愧孔父。去國同王粲。我生苦飄零。所歷有嗟歎。

過郭代公故宅

豪俊初未遇。其跡或脫略。代公尉通泉。放意何自若。及夫登袞冕。直氣森噴薄。磊落見異人。豈伊常

情度定策神龍後。宮中翕清廓。俄頃辨尊親。指揮存顧託。羣公有慙色。王室無削弱。迴出名臣上。丹青照臺閣。我行得遺跡。池館皆疏鑿。壯公臨事斷。顧步涕橫落。精魄凜如在。所歷終蕭索。高詠寶劍篇。神交付冥漠。

俄頃辨尊親二語極狀其敏而能斷杜詩出色處必有此一語壓服衆人

山寺

原注章留後同遊

野寺根石壁。諸龕遍崔嵬。前佛不復辨。百身一莓苔。雖有古殿存。世尊亦塵埃。如聞龍象泣。足令信者哀。使君騎紫馬。捧擁從西來。樹羽靜千里。臨江

久徘徊。山僧衣藍縷。告訴棟梁摧。公爲顧賓從。咄嗟檀施開。吾知多羅樹。却倚蓮華臺。諸天必歡喜。鬼物無嫌猜。以茲撫士卒。孰曰非周才。窮子失淨處。高人憂禍胎。歲晏風破肉。荒林寒可迴。思量入道苦。自哂同嬰孩。

以茲奉佛之心撫馭士卒豈非弘濟天下才乎蓋引之於正也

太子張舍人遺織成褥段

客從西北來。遺我翠織成。開緘風濤湧。中有掉尾鯨。逶迤羅水族。瑣細不足名。客云充君褥。承君終宴榮。空堂魑魅走。高枕形神清。領客珍重意。顧我

非公卿留之懼不祥。施之混柴荆。服飾定尊卑。大
哉萬古程。今我一賤老。袒褐更無營。煌煌珠宮物。
寢處禍所嬰。歎息當路子。干戈尚縱橫。掌握有權
柄。衣馬自肥輕。李鼎死岐陽。實以驕貴盈。來瑱賜
自盡。氣豪直阻兵。皆聞黃金多。坐見悔吝生。奈何
田舍翁。受此厚貺情。錦鯨卷還客。始覺心和平。振
我麤席塵。愧客如藜羹。

李鼎之死史未之載來瑱之死出於裴莪之誣然
侈肆不節實有之也借小物發出正論儆戒不少

草堂

昔我去草堂。蠻夷塞成都。今我歸草堂。成都適無

虞。請陳初亂時。反覆乃須臾。大將赴朝廷。羣小起

道。反。

嚴武入朝

徐知

異圖中宵斬。白馬盟敵氣。已麤西取邛南兵。北斷
劔閣隅。布衣數十人。亦擁專城居。其勢不兩大。始

聞蕃漢殊。西卒却倒戈。賊臣互相誅。焉知肘腋禍。

李忠厚殺知道

自及梟獍徒。義士皆痛憤。紀綱亂相踰。一國實三
公。萬人欲為魚。唱和作威福。孰肯辨無辜。眼前列
杻械。背後吹笙竽。談笑行殺戮。濺血滿長衢。到今
用鉞地。風雨聞號呼。鬼妾與鬼馬。色悲充爾娛。國
家法令在此。又足驚吁。賤子且奔走。三年望東吳。
孤矢暗江海。難為遊五湖。不忍竟舍此。復來薤榛

重歸

燕入門四松在步屨萬竹疎舊犬喜我歸低徊入
木蘭詩句法衣裾鄰里喜我歸沽酒攜胡蘆大官喜我來遣騎
問所須城郭喜我來賓客隘邨墟天下尚未寧健
兒勝腐儒飄飄風塵際何地置老夫於時見疣贅
骨髓幸未枯飲啄愧殘生食薇不敢餘

四松

四松初移時大抵三尺強別來忽三歲離立如人
長會看根不拔莫計枝凋傷幽色幸秀發疎柯亦
昂藏所插小藩籬本亦有隄防終然振撥損得愧
千葉黃敢為故林主黎庶猶未康避賊今始歸春

草滿空堂覽物歎衰謝及茲慰淒涼清風為我起
灑面若微霜足為送老資聊待偃蓋張我生無根
蒂配爾亦茫茫有情且賦詩事跡可兩忘勿矜千
載後慘澹蟠穹蒼

暇日小園散病將種秋菜督勤耕牛兼書
觸目

不愛入州府畏人嫌我真及乎歸茅宇傍舍未曾
嘆老病忌拘束應接喪精神江邨意自放林木心
所欣秋耕屬地濕山雨近甚勻冬菁飯之半牛力
晚來新深耕種數畝未甚後四鄰嘉蔬既不一名

數頗具陳荆巫非苦寒採擷接青春飛來雙白鶴
兼書觸目
暮啄泥中芹雄者左翻垂損傷已露筋一步再流
血尚驚矰繳勤三步六號叫志屈悲哀頻驚凰不
相待側頸訴高旻杖藜俯沙渚為汝鼻酸辛

述古

市人日中集於利競錐刀置膏烈火上哀哀自煎
熬農人望歲稔相率除蓬蒿所務穀為本邪羸無
乃勞舜舉十六相身尊道何高秦時任商鞅法令
如牛毛

古今治亂判於此此議論之純乎
純者謂作詩必斥議論豈通論耶

送重表姪王砮評事使南海

砮音傍郭璞江賦云
砮崖鼓作又音厲

傳誌體作詩真大手筆
我之曾祖姑爾之高祖母爾祖未顯時歸為尚書

婦隋朝大業末房杜俱交友長者來在門荒年自
餬口家貧無供給客位但箕帚俄頃羞頗珍寂寥
人散後入怪鬢髮空吁嗟為之久自陳剪髻鬢鬻
市充盃酒上云天下亂宜與英俊厚向竊窺數公
經綸亦俱有次問最少年虬髯十八九子等成大
名皆因此人手風雲龍虎從婦人眼中看出大
夫雄得辭兒女醜秦王時在坐真氣驚戶牖及乎
貞觀初尚書踐台斗夫人常肩輿上殿稱萬壽六

宮師柔順法則化妃后至尊均嫂叔盛事垂不朽

鳳雛無凡毛五色非爾曹往者胡作逆乾坤沸

嗷吾客左馮翊爾家同遁逃爭奪至徒步塊獨委

蓬蒿逗留熱爾腸十里却呼號自下所騎馬右持

腰間刀左牽紫遊韁飛走使我高苟活到今日寸

心銘佩牢亂離又聚散宿昔恨滔滔水花笑白首

春草隨青袍廷評近要津節制收英髦北驅漢陽

傳南泛上瀧舫家聲肯墜地利器當秋毫番禹親

賢領籌運神功操大夫出盧宋寶貝休脂膏洞主

降接武海胡舶千艘我欲就丹砂跋涉覺身勞安

以上敘親戚而追述當時之事

以下就王評事言見離別意

點化參錯

接入使南海

家聲收應前文此作法也

大夫謂李勉言勉可繼盧矣

宋璟而出其上也

因交趾有丹砂故以

能陷糞土有志乘鯨鼈或驟鸞騰天聊作鶴鳴臯

按史王珪母李氏非杜而珪於建成立後太宗始名用之後為禮部尚書與篇中所云絕不相合起手云歸為尚書婦又是妻而非母而貞觀時亦無他人王姓而踐台斗者少陵述曾祖姑不應不實存以闕疑可也

望嶽 此衡嶽即嶠嶽山也

南嶽配朱鳥秩禮自百王歛吸領地靈鴻洞半炎

方邦家用祀典在德非馨香巡狩何寂寥有虞今

則亡洎吾隘世網行邁越瀟湘渴日絕壁出漾舟

清光傍祝融五峰尊峰峰次低昂紫蓋獨不朝爭

長嶺相望恭聞魏夫人羣仙夾翱翔有時五峰氣

散風如飛霜牽迫恨脩途未暇杖崇岡歸來覲命

駕沐浴休玉堂。三歎問府主曷以贊我皇。牲璧忍

衰俗神其思降祥。

靈光縹緲氣象肅穆漢人練時日帝臨等章是此詩原本

杜詩偶評卷一終

此詩見於... 卷一終

